

摘藻堂四庫全書薈要

集部

欽定四庫全書薈要卷一萬七千七百六十八

集部

御定全唐詩卷三百六十三

劉禹錫

和李六侍御文宣王廟釋奠作

歎息魯先師生逢周室卑有心律天道無位救陵夷歷
聘不能用領徒空爾為儒風正禮樂旅

一作旋
又作易

象入著

龜西狩非其應中都安足施世衰由我賤泣下為人悲
遺教光文德興王叶夢期土田封後胤冕服飾虛儀鐘

鼓膠庠薦牲牢郡邑祠聞君喟然嘆偏在上丁時

和實中丞晚入容江作

漢郡三十六鬱林東南遙人倫選清臣天外頒詔條桂
水步秋浪火山凌霧朝分圻辨風物入境聞謳謠莎岵
見長亭煙林隔麗譙日落舟益駛川平旗自飄珠浦遠
明滅金沙晴動搖一吟道中作離思懸層霄

南海馬大夫見惠著述三通勒成四帙上自邃
古達于國朝采其菁華至簡如富欽受嘉貺詩

以謝之

紅旗閱五兵絳帳領諸生
味道輕鼎食退公猶筆耕
青箱傳學遠金匱納書成一瞬見前事九流當抗行
編蒲曾苦思垂竹媿無名
今日承芳訊誰言贈袞榮

和楊侍郎初至郴州紀事書情題郡齋八韻

旌節下朝臺分圭從北回
城頭鶴立處驛樹鳳栖來

蘇耽

傳云後化為仙鶴止城東北隅樓上又州北樓鳳驛圖經云常有威鳳降于庭梧也

舊路芳塵在

新恩驛騎催里閭風偃草鼓舞抃成雷
吏散山禽囀庭

香夏蕊開郡齋堪四望壁記有三台人訝微黃晚文非
弔屈哀一吟梁甫曲知是臥龍才

和東川王相公新漲驛池八韻

今日池塘上初移造物權苞藏成別島
泓濁致清漣變化生言下蓬瀛落眼前
泛觴驚翠羽開幕對紅蓮遠寫風光入
明含氣象全渚煙籠驛樹波日漾賓筵
曲岼留綈騎中流轉綵船無因接元禮
共載比神仙

酬楊八庶子喜韓吳興與余同遷見贈

次用依本韻

早遇聖明朝鴈行登九霄

吳興與余
中外兄弟

文輕傳武仲酒逼

蓋寬饒捨矢同瞻鵠當筵共賽梟

吳興與余
同年判入等第

琢磨三

益重唱和五音調臺柏煙常起池荷香暗飄

吳興與余
同為御史

臺門外有蓮池也

星文辭北極旗影度東遼

吳興自度支郎中
出為行軍司馬所

從即范僕射昔范
明文為度遼將軍

直道由來黜浮名豈敢要三湘與百

越雨散又雲搖遠守慙侯籍徵還荷詔條
穎容唯舌在

別恨幾魂銷滿眼悲陳事逢人少舊僚
煙霞為老伴蒲

柳任先凋虎綬懸新印龍卿理去橈
斷腸天北郡攜手

洛陽橋幢蓋今雖貴弓旌會見招其如草玄客空宇久
寥寥

和兵部鄭侍郎省中四松詩十韻

松是中書相
公任侍郎時

栽

右相歷中臺移松武庫栽紫茸抽組綬青實長玫瑰便
有干霄勢看成構厦材數分天柱半影逐日輪回舊賞
台階去新知谷口來息陰常仰望翫境

一作
意

幾裴回翠

粒晴懸露蒼鱗兩起苔凝音助瑤瑟飄藥泛金壘月桂

花

一作光

遙燭星榆葉對開終須似雞樹榮茂近昭回

酬鄭州權舍人見寄十二韻

朱戶凌晨啟碧梧舍早涼人從桔秩至書到漆沮傍
拊會因佳句情深取斷章愜心同笑語入耳勝笙簧憶昔

三條路居鄰數仞牆

舍人舊宅光福里時忝東鄰

學堂青玉案綵服

紫羅囊麟角看成就龍駒見抑揚轂中飛一箭雲際落

雙鶴

舍人一舉登科又判入等第

旬邑叨前列天臺媿後行

鄙人離渭南主

簿十年舍人方尉此邑及罹譴謫重入
南宮為禮部郎中舍人方任考功員外
鯉庭傳事業雞

樹遂翔翔書殿連鵷鵠神池接鳳皇追遊蒙尚齒惠好

結中腸

鄙人在集賢與西掖接近日夕追遊

鍛翮方擡舉危根易損傷一

麾憐棄置五字借恩光

鄙人出牧姑蘇舍人草制

汝海崆峒秀溱流

芍藥芳風行能偃草境靜不爭桑

鄙人轉臨汝舍人牧滎陽轉旆趨

關右頒條匝渭陽病吟猶有思老醉已無狂塵滿鴻溝
道沙驚白狄鄉佇聞黃紙詔促召紫微郎

和牛相公題姑蘇所寄太湖石兼寄李蘇州

震澤生奇石沈潛得地靈初辭水府出猶帶龍宮腥發

自江湖國來榮卿相庭從風夏雲勢上漢古查形拂拭
魚鱗見鏗鏘玉韻聆煙波含宿潤苔蘚助新青嵌穴胡
雛貌纖鉉蟲篆銘孱顏傲林薄飛動向雷霆煩熱近還
散餘醒見便醒凡禽不敢息浮塹莫能停靜稱垂松蓋
鮮宜映鶴翎忘憂常目擊素尚與心冥眇小欺湘燕團
圓笑落星徒然想融結安可測年齡採取詢鄉耆搜求
按舊經垂鉤入空隙隔浪動晶熒有獲人爭賀歡謠衆
共聽一州驚閱寶千里遠揚舲覩物洛陽陌懷人吳御

亭寄言垂天翼早晚起滄溟

浙西李大夫迷夢四十韻并浙東元相公酬和

斐然繼聲

位是才能取時因際會遭羽儀呈驚驚銳刃試豪曹洛
下推年少山東許地高門承金鉉鼎家有玉璜韜

呂仍嗣侯

海浪扶鵬翅天風引驥髦便知蓬閣閔不識魯衣褒興
發春塘草魂交益部刀形開猶抱膝燭盡遽揮毫昔仕
當初筮逢時詠載橐懷鈎辨蟲蠹染素學鵝毛車騎方

休汝歸來欲效陶

大夫罷太原從事歸京師

南臺資謬內署選風

騷羽化如乘鯉棲居舊冠黿美香焚濕麝名果賜乾菊

議赦蠅棲筆邀歌蟻泛醪代言無所戲謝表自稱叨蘭

焰凝芳澤芝泥瑩玉膏對頻聲價出直久夢魂勞草詔

今歸馬批章答獻契銀花懸院牕翠羽映簾條諷諫欣

然納奇觚率爾操禁中時諤諤天下免忉忉左顧龜成

印雙飛鵠織袍謝賓緣地密潔已是心豪五日思歸沐

三春羨衆邀茶爐依綠筍碁局就紅桃溟海桑潛變陰

陽炭暗熬仙成脫屣去臣戀捧弓號建節辭烏柏宣風

看鷺濤土山京口峻鐵瓮郡城牢曲島花千樹官池水

一篙鶯來和絲管雁起拂麾旄宛轉傾羅扇回旋墮玉

搔罰籌長豎嘉禾盞盞樣如舳山是千重障江為四面濠

臥龍曾得雨

浙東

孤鶴尚鳴皋

浙西

劍用雄開匣

二公

弓閑蟄

受弋

謂自

鳳姿嘗在竹

二公

鸚羽不離蒿

謂自

吳越分雙鎮東

西接萬艘今朝比潘陸江海唱滔滔

和浙西李大夫伊川卜居

早入八元數嘗承三接恩飛鳴天上路鎮壓海西門清
望寰中許高情物外存時來誠不讓歸去每形言洛下

思招隱江干厭作藩按經修道具依樣買山村

馬高唐為御史

大夫將置宅命畫工圖其狀戒所使曰依此樣求之

開鑿隨人化幽陰為律暄遠

移難得樹立變舊荒園絕塞通潛徑平泉占上原煙霞
遙在想簿領益為繁丹禁虛東閣蒼生望北轅徒令雙
白鶴五里自翩翻

省試風光草際浮

熙熙春景霽草綠春光麗的歷亂相鮮
葳蕤互虧蔽乍疑千綿裏稍動丰茸際
影碎翻崇蘭浮香轉叢蕙含煙絢碧綵
帶露如珠綴幸因採掇日況此臨芳歲

歷陽書事七十韻

并引

長慶四年八月余自夔州轉歷陽浮岷山觀洞庭
歷夏口涉潯陽而東友人崔敦詩罷丞相鎮宛陵
緘書來招曰必我覲而之藩不十日飲不置子故
余自池州道宛陵如其素敦詩出祖於敬亭祠下

由姑孰西渡江乃吾園也至則考圖經參見事為
之詩俟采風之夜諷者

一夕為湖地千年列郡名霸王迷路處亞父所封城漢
置東南尉梁分肘腋兵本吳風俗剽兼楚語音僇沸井

今無湧烏江舊有名土臺遊柱史石室隱彭鏗

老君適楚有臺

在馬彭鏗石室在含山縣

曹操祠猶在濡須塢未平海潮隨月大江

水應春生憶昨深山裏終朝看火耕魚書來北闕鷁首
下南荆雲雨巫山暗蕙蘭湘水清章華樹已失鄂渚草

來迎廬阜香爐出湓城粉堞明鴈飛彭蠡暮鴉噪大雷
晴平野分風使恬和起夜程貴池登陸峻春穀渡橋鳴
駱驛主人問悲歡故舊情幾年方一面卜晝便三更助
喜杯盤盛忘機笑語訇管清疑警鶴弦巧似嬌鶯織炭
烘蹲獸華茵織鬪鯨回裾飄霧雨急節墮瓊英斂黛凝
愁色施鈿耀翠晶容華本南國妝束學西京日落方收
鼓天寒更炙笙促筵交履舄痛飲倒簪纓謔浪容優孟
嬌憐許智瓊蔽明添翠帟命燭挂一作挂金莖坐久羅衣

皺盃頻粉面驛興來從請曲意墮即飛觥今急重須改
歡馮醉盡呈詰朝還選勝來日又尋盟道別殷勤惜邀
筵次第爭唯聞嗟短景不復有餘醒衆散局朱戶相攜
話素誠晤言猶疊疊殘漏自丁丁出祖千夫擁行廚五
熟烹離亭臨野水別思入哀箏接境人情洽方冬饌具
精中流為界道隔岬數飛甍沙浦王渾鎮滄洲謝眺城
望夫人化石夢帝日環營半渡趨津吏緣堤簇郡忙場
黃堆晚稻籬碧見冬菁里社爭來獻壺漿各自擎鵝夷

傾底寫妝拒鬪成

字終

采石風傳柝新林暮擊鉦繭綸牽

撥刺犀焰照澄泓露冕觀原野前驅抗旆旌分庭展賓

主望闕拜恩榮比屋惇嫠輩連年水旱并遐思常後已

下令必先庚遠岫低屏列支流曲帶縈湖魚香勝肉官

酒重於錫憶昔泉源變斯須地軸傾雞籠為石顙龜眼

入泥坑事繫人風重官從物論輕江春俄澹蕩樓月幾

虧盈柳長千絲宛田塍一線紆遊魚將婢從野雉見媒

驚波淨攢鳬鵲洲香發杜蘅一鍾菰葑米千里水葵羹

受譴時方久分憂政未成比瓊雖碌碌於鐵尚錚錚早
忝登三署曾聞奏六英無能甘負弩不慎在提衡口語
成中邁毛衣阻上征時聞闕利鈍智亦有聾盲昔媿山
東妙今慙海內兄後來登甲乙早已在蓬瀛心托秦明
鏡才非楚白珩齒衰親藥物宦薄傲公卿捧日皆元老
宣風盡大彭好今朝集使結束赴新正

和武中丞秋日寄懷簡諸僚故

退朝還公府騎吹息繁陰吏散秋庭寂烏啼煙樹深威

生奉白簡道勝外華簪風物清遠目功名懷寸陰雲衢
念前侶綵翰寫冲襟涼菊照幽徑敗荷攢碧潯感時江
海思報國松筠心空愧壽陵步芳塵何處尋

和令狐相公春日尋花有懷白侍郎閣老

芳菲滿雍州鸞鳳許同遊花逕須深入時光不少留
鮮由樹嫩枝亞為房稠靜對仍持酒高看特上樓晴宜
連夜賞雨便一年休共憶秋官處餘霞曲水頭

御定全唐詩卷三百六十三

欽定四庫全書薈要卷一萬七千七百六十九

集部

御定全唐詩卷三百六十四

劉禹錫

荊州歌二首

渚宮楊柳暗麥城朝雉飛可憐踏青伴乘暖著輕衣
今日好南風商旅相催發沙頭檣竿上始見春江濶

紀南歌

風烟紀南城塵土荊門路天寒多獵騎

一作獵獸者

走上樊

姬墓

視刀環歌

常恨言語淺不如人意深今朝兩相視脈脈萬重心

三閣辭四首

吳聲

貴人三閣上日晏未梳頭不應有恨事嬌甚却成愁

珠箔曲瓊鉤仔

一作子

細見揚州北兵那得度浪話判

一作

語聲悠悠

沉香帖閣柱金縷畫門

一作閣

楣回首降幡下已見黍離

離

三人出睂井一身登檻車朱門漫臨水不可

一作得

見鱸

魚

紆那曲二首

楊柳鬱青青竹枝無限情周

一作同

郎一回顧聽唱紆那

聲

踏曲興無窮調同詞不同願郎千萬壽長作主人翁

淮陰行五首

并引

古有長干行言三江之事悉矣余嘗阻風淮陰作
淮陰行以裨樂府

簇簇淮陰市竹樓緣岸上好日起檣竿鳥飛驚五兩

今日轉船頭金烏指西北烟波與春草千里同一色

船頭大銅鑲摩挲光陣陣早早一作晚使風一作便風來沙頭

一眼認

何物令儂羨羨郎船尾燕銜泥趁檣竿宿食長相見

隔浦望行船頭昂尾憶憶無奈晚來一作挑菜時清淮春浪

軟

渾侍中宅牡丹

徑尺千餘朶人間有此花今朝見顏色更不向諸家

詠红柿子

曉連星影出晚帶日光懸本因遺采掇一作摘翻自保天

年

呂八見寄郡內書懷因而戲和

文苑振金聲循良冠百城不知今史氏何處列君名

秋風引

何處秋風至蕭蕭送雁羣朝來入庭樹孤客最先聞

柳花詞三首

開從綠條上散逐香風遠故取花落時悠揚占春晚
輕飛不假風輕落不委地撩亂舞晴空發人無限思
晴天閨闔雪來送青春暮無意似多情千家萬家去

路傍曲

南山宿雨晴春入鳳凰城處處聞弦管無非送酒聲

君山懷古

屬車八十一此地阻長風千載威靈盡赭山寒水中

庭竹

露滌鉛粉節風搖青玉枝依依似君子無地不相宜

唐郎中宅與諸公同飲酒看牡丹

今日花前飲甘心醉數杯但愁花有語不為老人開

題壽安甘棠館二首

公館似仙家池清竹逕斜山禽忽驚起衝落半巖花

門前洛陽道門裏桃花路塵土與烟霞其間十餘步

古詞二首

一作
諷古

軒后初冠冕前旒為蔽明安知從復道然後見人情
薄領乃俗士清談信古風吾觀蘇令綽朱墨一何工

寓興二首

常談即至理安事非常情寄語何平叔無為輕老生
世途多禮數鵬鷗各逍遙何事陶彭澤拋官為折腰

詠史二首

驃騎非無勢少卿終不去世道劇頽波我心如砥柱
賈生明王道衛綰工車戲同遇漢文時何人居貴位

經檀道濟故壘

萬里長城壞荒營野草秋秣陵多士女猶唱白符鳩史云

當時人歌曰可憐白

符鳩枉殺檀江州

傷段右丞

江湖舊游
南宮交代

江海多豪氣朝廷有直聲何言馬蹄下一旦是佳城

傷獨孤舍人并引

貞元中余以御史監祠事河南獨孤生始仕為奉
禮郎有事宗廟郊時必與之俱繇是甚熟及余謫
武陵九年間獨孤生仕至中書舍人視草禁中上
方許以宰相元和十年春余祇召抵京師次都亭
日舍人以疾不起余聞因作傷詞以為弔

昔別矜一作公年少今悲喪國華
遠來同社燕不見早梅
花

再傷龐尹

京兆歸何處章臺空暮塵可憐鸞鏡下哭殺畫眉人

敬酬微

一作微

公見寄二首

淒涼沃州僧顓頊柴桑宰別來二十年唯餘兩心在
越江千里鏡越嶺四時雪中有逍遙人夜深觀水月

鄂渚留別李二十一表臣大夫

高檣起行色促柱動離聲欲問江深淺應如遠別情
荅表臣贈別二首

昔為瑤池侶飛舞集蓬萊今作江漢別風雪一徘徊

嘶馬立未還行舟路將轉江頭暝色深揮袖依稀見
始發鄂渚寄表臣二首

祖帳管弦絕客帆西風生回車已不見猶聽馬嘶聲
曉發柳林戍遙城聞五鼓憶與故人眠此時猶晤語

出鄂州界懷表臣二首

離席一揮杯別愁今尚醉遲遲有情處却恨江帆駛
夢覺疑連榻舟行忽千里不見黃鶴樓寒沙雪相似

和遊房公舊竹亭聞琴絕句

尚有竹間路永無綦下塵一聞流水曲重憶餐霞人

西州李尚書知愚與元武昌有舊遠示二篇吟

之泣然因以繼和一百

來詩云元公令陳從事求蜀琴將以為寄而武

昌之計聞因陳生會葬

如何贈琴日已是絕弦時無復雙金報空餘挂劍悲

寶匣從此閒

一作閒

朱弦誰復調祇應隨玉樹同向土中

銷

別蘇州二首

三載為吳郡臨岐祖帳開雖非謝桀黠且為一裴回
流水閭門外秋風吹柳條從來送客處今日自魂銷
罷和州遊建康

秋水清無力寒山暮多思官閒不計程徧上南朝寺
九日登高

世路山河險君門烟霧深年年上高處未省不傷心
荅柳子厚

年方伯玉早恨比四愁多會待休車騎相隨出尉羅

館娃宮在舊郡西南硯石山前瞰姑蘓臺傍有
采香徑梁天監中置佛寺曰靈巖即故宮也信
為絕境因賦二章

宮館貯嬌娃當時意大誇艷傾吳國盡笑入越王家
月殿移椒壁天花代舜華唯餘采香徑一帶繞山斜

御定全唐詩卷三百六十四

欽定四庫全書薈要卷一萬七千七百七十

集部

御定全唐詩卷三百六十五

劉禹錫

聽琴

一作聽僧彈琴

禪思何妨在玉琴
真僧不見聽時心
秋堂境寂夜方半
雲去蒼梧湘水深

魏宮詞二首

日晚長秋簾外報
望陵歌舞在明朝
添爐欲爇

一作添爐火

熏衣麝憶得分時一作明不忍燒

日映西陵松栢枝下臺相顧一相思朝來樂府長歌曲
唱著君王自作詞

楊枝詞二首

迎得春光先到來淺黃輕綠映樓臺只緣嫋娜多情思
更被春風長倩猜一作請授一作便被春風長挫摧

巫峽巫山楊柳多朝雲暮雨遠相和因想陽臺無限事

為君回唱竹一作柳枝歌

竹枝詞二首

楊柳青青江水平
聞郎江上唱歌聲
東邊日出西邊雨

道是無晴

一作情

却

一作還

有晴

一作情

楚水巴山江雨多
巴人能唱本鄉歌
今朝北客思歸去
回入紇那披綠羅

隄上行三首

酒旗相望大堤頭
堤下連檣堤上樓
日暮行人爭渡急

槳聲幽

一作咿

輶滿中流

江南江北望烟波入夜行人相應歌桃葉傳情竹枝怨
水流無限月明多

春堤繚繞水徘徊酒舍旗亭次第開日晚上樓一作出簾招
估客軻戔大艫落颿來

踏歌詞一作行四首

春江月出大堤平堤上女郎連袂行唱盡新詞歡一作看

不見紅霞映一作影樹鷓鴣鳴

桃蹊柳陌好經過燈下妝成月下歌為是襄王故宮地

至今猶自細腰多

此首一作張籍無題詩

新詞宛轉遞相傳
振袖傾鬟風露前
月落烏啼雲雨散
遊童陌上拾花鈿

日暮江頭

一作江南

聞竹枝南人行樂
北人悲自從雪裏唱

新曲直到三春花盡時

步虛詞二首

阿母種桃雲海際
花落子成三

一作二

千歲海風

一作滄海

吹

折最繁枝跪捧瓊

一作金

盤獻天帝

華表千年一鶴

一作鶴

歸凝丹為頂雪為衣
星星仙語人

聽盡却向五雲翻翅飛

阿嬌怨

望見歲蕤舉翠華
試開金屋掃

一作鎖

庭花須臾宮女傳

來信言

一作云

幸平陽公主家

秋詞二首

自古逢秋悲寂寥
我言秋日勝春朝
晴

一作橫

空一鶴排

雲上便引詩情到碧霄

山明水淨夜來霜數樹深紅出淺黃試上高樓清入骨
豈如春色嗾人狂

秋扇詞

莫道恩情無重來人間榮謝遞相摧當時初入君懷袖
豈念寒爐有死灰

竹枝詞九首

并引

四方之歌異音而同樂歲正月余來建平里中兒
聯歌竹枝吹短笛擊鼓以赴節歌者揚袂睢舞以

曲多為賢聆其音中黃鍾之羽卒章激訐如吳聲
雖儻儻不可分而含思宛轉有淇澳之艷音昔屈
原居沅湘間其民迎神詞多鄙陋乃為作九歌到
于今荆楚歌舞之故余亦作竹枝九篇俾善歌者
颺之附于末後之聆已歛知變風之自焉

白帝城頭春草生白鹽山下蜀江清南人上來歌一曲
北人莫上動鄉情

山桃紅花滿上頭蜀江春水拍山流花紅易衰似郎意

水流無限似儂愁

江上朱樓新雨晴
灤西春水縠紋生
橋東橋西好楊柳
人來人去唱歌行

日出三竿春霧消
江頭蜀客駐蘭橈
憑一作欲寄狂夫書

一紙家住成都萬里橋

兩岸山花似雪開
家家春酒滿銀杯
昭君坊中多女伴
永安宮外踏青來

城西門前艷潁堆
年年波浪不能摧
一作推懊惱一作恨人

心不如石少時東去復西來

瞿塘嘈嘈十二灘人言

一作此中

道路古來難長恨人心不

如水等閒平地起波瀾

巫峽蒼蒼烟雨時清猿啼在最高枝箇裏愁人腸自斷
由來不是此聲悲

山上層層桃李花雲間烟火是人家銀釧金釵來負水
長刀短笠去燒畬

楊柳枝詞九首

塞北梅花羌笛吹淮南桂樹小山詞請君莫奏前朝曲
聽唱新翻楊柳枝

南陌東城春早時相逢何處不依依桃紅李白皆誇好
須得垂楊相發揮

鳳闕輕遮翡翠幃龍池遙望麴塵絲御溝春水相一作柳

輝映狂殺長安年少兒

金谷園中鶯亂飛銅駝陌上好風吹城中一作東桃李須

臾盡爭似垂楊無限時

花萼樓前初種時美人樓上鬪腰肢如今拋擲長

一作上

街裏露葉如啼欲向

一作恨誰

煬帝行宮汴水濱數枝

一作株

楊

一作殘

柳不勝春晚

一作昨

來風起花如雪飛入宮牆不見人

御陌青

一作東

門拂地垂千條金縷萬條絲如今綰作同

心結將贈行人知不知

城外春風吹

一作滿

酒旗行人揮袂日西時長安陌上無

窮樹唯有垂楊管別離

輕盈嫋娜占年華舞榭妝樓處處遮春盡絮花一作飛留
不得隨風好去落誰家

浪淘沙九首

九曲黃河萬里沙浪淘風簸自天涯如今直上銀河去

同到牽牛織女家

洛水橋邊春日斜碧流清一作輕淺見瓊砂無端陌上狂

風急驚起鴛鴦出浪花

汴水東流虎眼紋清淮曉色鴨頭春君看渡口淘沙處

渡却人間多少人

鸚鵡洲頭浪颭沙青樓春望日將斜
銜泥燕子爭歸舍

獨自狂夫不憶家

一作張籍詩

濯錦江邊兩岸花春風吹浪正淘沙
女郎剪下鴛鴦錦

將向中流足晚霞

日照澄洲江霧開淘金

一作沙

女伴滿江隈美人首飾侯

王印盡是沙中浪底來

八月濤聲吼地來頭高數丈觸山回
須臾却入海門去

捲起沙堆似雪堆

莫道諛言如浪深
莫言遷客似沙沉
千淘萬漉雖辛苦
吹盡狂沙始到金

流水淘沙不暫停
前波未滅後波生
令人忽憶瀟湘渚
回唱迎神三兩聲

洛中送韓七中丞之吳興口號五首

昔年意氣結羣英
幾度朝回一字行
海北江

一作天

南零

落盡兩人相見洛陽城

自從雲散各東西每日歡娛却慘悽離別苦多相見少

一生心事在書

一作詩題

今朝無意訴離杯何況清弦急管催本欲醉中輕遠別
不知翻引酒悲來

駱駝橋上蘋風急

一作起

鸚鵡杯中箸下春水碧山青知

好處開顏一笑向何人

溪中士女出芭籬溪上鴛鴦避畫旗何處人間似仙境
春山攜妓採茶時

送廖參謀東遊二首

九陌逢君又別離
行雲別鶴本無期
望嵩樓上忽相見
看過花開花落時

繁花落盡君辭去
綠草垂楊引征路
東道諸侯皆故人
留連必是多情處

洛中春末送杜錄事赴蘄州

樽前花下長相見
明日忽為千里人
君過午橋回首望

洛城

一作陽

猶自有殘春

夜燕福建盧侍郎

一作常侍

宅因送之鎮

暫駐旌旗洛水堤
綺筵紅燭醉蘭闥
美人美酒長相逐
莫怕猿聲發建溪

重送鴻舉師赴江陵謁馬逢侍御

西北秋風凋蕙蘭
洞庭波上碧雲寒
茂陵才子江陵住
乞取新詩合掌看

贈長沙讚頭陀

外道邪山千萬重
真言一發盡摧峰
有時明月無人夜

獨向昭潭制惡龍

送霄韻上人遊天台

一作寶
韻上人

曲江僧向松江見
又到天台看石橋
鶴戀故巢雲戀岫
比君猶自不逍遙

臺城懷古

清江悠悠王氣沉
六朝遺事何處尋
宮牆隱嶙圍野澤
鸛鷓夜鳴秋色深

戲贈崔千牛

學道深山許

一作虛

老人留名萬代不關身勸君多買長

安酒南陌東城占取春

揚州春夜李端公益張侍御登段侍御平路

一作

仲

密縣李少府暘秘書張正字復元同會於水

館對酒聯句追刻燭擊銅鉢故事遲輒舉觥以
飲之逮夜艾羣公沾醉紛然就枕余偶獨醒因

題詩於段君枕上以志其事

一作揚州春夜同會水館夜艾獨醒

寂寂獨看金燼落紛紛只見玉山頽自羞不是高陽侶

一夜星星

一作惺惺

騎馬回

逢王十二學士入翰林因以詩贈

時貞元二十二年以藍田

尉充學士

廐馬翩翩禁外逢
星槎上漢杳難從
定知欲報淮南詔
促召王褒入九重

闕下口號呈柳儀曹

綵仗神旗獵曉風
雞人一唱鼓蓬蓬

一作逢逢

銅壺漏水何

時歇如此相催即老翁

監祠夕月壇書事

其禮用畫

西皞司分晝夜平羲和停午太陰生鏗鏘

一作鏘鏘

揖讓秋

光裏觀者如雲出鳳城

元和甲午歲詔書盡徵江湘逐客余自武陵赴

京宿于都亭有懷續來諸君子

雷

一作雲

雨江山

一作湖

起卧龍武陵樵客躡仙蹤十年

楚水楓林下今夜初聞長樂鐘

元和十一年自朗州召至京戲贈看花諸君子

紫陌紅塵拂面來，無人不道看花回。
玄都觀裏桃千樹，盡是劉郎去一作別後栽。

再遊玄都觀 并引

余貞元二十一年為屯田員外郎時，此觀未有花。
是歲出牧連州，尋貶朗州司馬。居十年，召至京師。
人人皆言有道士手植仙桃，滿觀如紅霞。遂有前
篇以志一時之事。旋又出牧。今十有四年，復為主
客郎中，重遊玄都觀。蕩然無復一樹，唯兔葵燕麥

動搖於春風耳因再題二十八字以俟後遊時大

和二年三月

百畝庭中半是苔桃花淨

一作開一作落

盡菜花開種桃道士

歸何處前度劉郎今又

一作獨來

與歌者米嘉榮

唱得涼

一作梁

州意外聲舊人唯數

一作有一作難數

米嘉榮近

來時世

一作年少

輕先

一作前

輩好染髭鬚事後生

一作一別嘉榮三十

載忽聞舊曲尚依然如今世俗輕前輩好染髭鬚事少年

望夫石

山正對和
州郡樓

終日望夫夫不歸化為孤石苦相思望來已是幾千載

一作
歲

只似當時

一作
年

初望時

聽舊宮中樂人穆氏唱歌

曾隨織女渡天河記得雲間第一歌休唱貞元供奉曲

當時

一作
如今

朝士已無多

金陵五題

并序

余少為江南客而未遊秣陵嘗有遺恨後為歷陽

守跂而望之適有客以金陵五題相示適爾生思
歛然有得他日友人白樂天掉頭苦吟歎賞良久
且曰石頭詩云潮打空城寂寞回吾知後之詩人
不復措辭矣餘四詠雖不及此亦不孤樂天之言
耳

石頭城

山圍故國周遭在潮打空城寂寞回淮水東邊舊時月
夜深還過女牆來

烏衣巷

朱雀橋邊野草花，烏衣巷口夕陽斜。
舊時一作王謝堂

前燕飛入尋常百姓家。

臺城

臺城六代競豪華，結綺臨春事最奢。
萬戶千門成野草，只緣一曲後庭花。

生公講堂

生公說法鬼神聽，身後空堂夜不扃。
高坐寂寥塵漠漠，

一方明月可中庭

江令宅

南朝詞臣北朝客歸來唯見秦淮碧
池臺竹樹三畝餘
至今人道江家宅

韓信廟

將略兵機命世雄
蒼黃鍾一作漢室歎良弓
遂令後代登壇者
每一尋思怕立功

李賈二大諫拜命後寄楊八壽州

諫省新登二直臣萬方驚喜捧絲綸則知天子明如日

肯放淮南一作陽高卧人

美溫尚書鎮定興元以詩寄賀

旌旗入境犬無聲戮盡鯨鯢漢水清從此世人開耳目
始知名將出書生

酬瑞一作端州吳大夫夜泊湘川見寄一絕

夜泊湘川逐客心月明猿苦血沾襟湘妃舊竹痕猶淺
從此因君染更深

徵還京師見舊番官馮叔達

前者匆匆襆被行十年憔悴到京城
南宮舊吏來相問何處淹留白髮生

與歌者何戡

二十餘年別帝京重聞天樂不勝情
舊人唯有何戡在更與殷勤唱渭城

與歌童田順郎

天下一作上能一作龍歌御史娘花前葉一作月底奉君王九

重深處無人見分付新聲與順郎

燕爾館破屏風所畫至精人多歎賞題之

畫時應遇空亡日賣處難逢識別

去聲

人唯有多情往來

客強將衫袖拂埃塵

賞牡丹

庭前芍藥妖無格池上芙蓉淨少情
唯有牡丹真國色花開時節動京城

題歌器圖

秦國功成思稅駕晉臣名遂歎危機無因上蔡牽黃犬
願作丹徒一布衣

傷桃源薛道士

一作尊師

壇邊松在鶴巢空白鹿間行舊徑中手植紅桃千樹發
滿山無主任春風

王思道碑堂下作

蒼蒼宰樹起寒煙尚有威名海內傳四府舊聞多故吏
幾人垂淚拜碑前

傷愚溪三首并引

故人柳子厚之謫永州得勝地結茅樹蔬為沼沚
為臺榭目曰愚溪柳子沒三年有僧遊零陵告余
曰愚溪無復曩時矣一聞僧言悲不能自勝遂以
所聞為七言以寄恨

溪水悠悠春自來草堂無主燕飛回
隔簾惟見中庭草
一樹山榴依舊開

草聖數行留壞壁木奴千樹屬鄰家
唯見里門通德榜

殘陽寂寞出樵車

柳門竹巷依依在野草青苔日日

一作月

多縱有鄰人解

吹笛山陽舊侶

一作里

更誰過

傷循州渾尚書

貴人淪落路人哀碧海

一作水

連天丹旆回遙想長安此

時節朱門深巷百花開

代靖安佳人怨二首

并引

靖安丞相武公居里名也元和十一年六月公將

朝夜漏未盡三刻騎出里門遇盜斃于墻下初公
為郎余為御史由是有舊故今守遠服賤不可以
誅又不得為歌詩聲于楚挽故代作佳人怨以裨
于樂府云

寶馬鳴珂踏曉塵魚文匕首犯車茵適來行哭里門外
昨夜華堂歌舞人

秉燭朝天遂不回路人彈指望高臺牆東便是傷心地

夜夜流

一作秋

螢飛去來

碧澗寺見元九侍御和展上人詩有三生之句

因以和

廊下題詩滿壁塵
塔前松樹已皴鱗
古來唯有王文度
重見平生竺道人

思黯南墅賞牡丹

偶然相遇人間世
合在增城阿姥家
有此傾城好顏色
天教晚發賽諸花

和浙西尚書聞

此一無

常州楊給事製新樓因寄

之作

文昌

一作星一作新

象盡東來油幕朱門次第開且上新

樓看風月會乘雲雨一時回

尚書在南宮為左丞給事與禹錫皆是郎吏

後梁宣明二帝碑堂下作

玉馬朝周從此辭園陵寂寞對豐碑千行宰樹荊州道
暮雨蕭蕭聞子規

贈李司空妓

一作禹錫赴吳臺揚州大司馬杜公鴻漸開宴命妓侍酒本事詩

云李紳罷鎮在京幕劉名嘗邀至第中厚設飲饌酒酣命妓妙歌以送之劉於席上賦詩李因

以妓贈之 崔令欽教坊記云
杜韋娘歌曲名非妓姓名也

高髻雲鬟

一作髮鬢梳頭
一作髮髻梳頭

宮樣妝春風一曲杜韋娘司

空見慣渾閒事斷盡

一作腦亂

蘇州刺史腸

和西川李尚書傷孔雀及薛濤之什

玉兒已逐金鑲葬翠羽先隨秋草萎唯見芙蓉含曉露

數行紅淚滴清池

後魏元樹南陽王禧之子南陽到建業數年後北歸愛姬朱玉兒脫金指

鑲為贈樹至魏却以指
鑲寄玉兒示有還意

同樂天登棲靈寺塔

步步相攜不覺難
九層雲外倚闌干
忽然笑語半天上
無限遊人舉眼看

有所嗟二首

一作元稹詩
題作所思

庾令樓中初見時
武昌春柳似腰肢
相逢相笑一作
失盡
如夢為雨為雲今不知

鄂渚濛濛煙雨微
女郎魂逐暮雲歸
只應長在漢陽渡
化作鴛鴦一隻飛

和裴相公傍水閒行

為愛逍遙第一篇時時閒步賞風煙看花臨水心無事
功業成來二十年

杏園花下酬樂天見贈

二十餘年作逐臣歸來還見曲江春遊人莫笑白頭醉

老醉花間有

一作能幾人

和樂天春詞

新粧面

一作粉

面下朱樓深鎖春光一院愁行到中庭數

花朵蜻蜓飛上玉搔頭

和嚴給事聞唐昌觀玉蕊花下有游仙一作仙游二

絕

玉女來看玉蕊花，異香先引七香車。
攀枝弄雪時迴顧，驚怪人間日易斜。

雪蕊瓊絲

一作葩

滿院春衣輕步步

一作羽衣輕步

不生塵。君平

簾下徒相問，長伴吹簫別有人。

憶樂天

尋常相見意殷勤，別後相思

一作思量

夢更頻。每遇登臨好

風景羨他天性少情人

醉答樂天

洛城洛城何日歸故人故人今轉稀
莫嗟雪裏暫時別終擬雲間相逐飛

虎丘寺見元相公二年前題名愴然有咏

前年
滄橋

送之
武昌

滄水送君君不還見君題字虎丘山
因知早貴兼才子不得多時在世間

寄贈小樊

花面了頭十三四春來綽約向人時終須買取名

一作多

春草處處將行

一作來一作相將

步步隨

吟樂天自問愴然有作

親友關心皆不見風光滿眼倍

一作獨

傷神洛陽城裏多

池館幾處花開有主人

和令狐相公別牡丹

平章宅裏一欄花臨到開時不在家莫道兩京非遠別

春明門外即天涯

和令狐相公聞思帝鄉有感

一本題上有遙字

當初造曲者為誰說得思鄉戀闕時
滄海西頭舊丞相
傳杯處分上聲不須吹

酬令狐相公見寄

羣玉山頭住四年
每聞笙鶴看諸仙
何時得把浮丘袖
白日將昇第九天

令狐相公春思見寄

一紙書封四句詩
芳晨對酒遠相思
長吟盡日西南望
猶及殘春花落時

城內花園頗曾遊
玩令公居守亦有素期適春
霜一夕委謝書實以答令狐相公見譔

樓下芳園最占春
年年結侶採花頻
繁霜一夜相撩治
不似佳人似老人

奉和裴晉公涼風亭睡覺

驪龍睡後珠元在
仙鶴行時步又輕
方寸瑩然無一事

水聲來似玉琴聲

荅裴令公雪中訝白二十二與諸公不相訪之

什

玉樹瓊樓滿眼新的知開閣待諸賓遲遲未一作來去非

無意擬作梁園坐右人

吳方之見示聽江西故吏朱幼恭歌三篇頗有

懷故林之想吟諷不足因而和之

一作和人憶江西故吏歌

侯家故吏歌聲發逸處能高怨處低今歲洛中無雨雪

眼前風景是江西

裴令公見示誚樂天寄奴買馬絕句斐言仰和
且戲樂天

常奴安得似方回爭望追風絕足來若把翠娥酬騶耳

一作騶始知天下有奇才

酬思黯代書見戲

一作酬牛相見寄

官冷如漿病滿身凌寒不易過

一作遇

天津少年留取

一作

守多情興請待花時作主人

答張侍御賈喜再登科後自洛赴上都贈別

又被時人寫姓名春風引路入京城知君憶得前身事
分付鶯花與後生

赴連州途經洛陽諸公置酒相送張員外賈以
詩見贈率爾酬之

謫在三湘最遠州邊鴻不到水南流如今暫寄樽前笑
明日辭君步步愁

贈元九侍御文石枕以詩獎之

文章似錦氣如虹
宜薦華簪綠殿中
縱使涼飈生旦夕
猶堪拂拭愈頭風

酬元九院長自江陵見寄

無事尋花至仙境
等閒栽樹比封君
金門通籍真多士
黃紙除書每日聞

酬楊侍郎憑見寄

翔鸞闕底謝皇恩
纓上滄浪舊水痕
疏傳揮金忽相憶
遠擎長句與招魂

酬馬大夫登滙口戍見寄

一作酬海南馬大夫
一作滙口一作滙口

新辭將印拂朝纓臨水登山四體輕
猶念天涯未歸客
瘴雲深處守孤城

答楊八敬之絕句

楊時亦
謫居

飽霜孤竹聲偏切帶火焦桐韻本悲
今日知音一留聽

是君心事

一作手

不平時

重寄表臣二首

對酒臨流奈別何君今已醉

一作貴

我蹉跎分明記取星

星鬢他日相逢應更多

世間人事有何窮過後思量盡是空早晚同歸洛陽陌

卜隣須

一作願

近祝雞翁

重寄絕句

一作寄唐州楊八

淮西既是平安地鴉路今無羽檄飛聞道唐州最清靜

戰場耕盡野花稀

酬楊八副使將赴湖南途中見寄一絕

知逐征南冠楚材遠勞書信到陽臺明朝若上

一作到君

山上

一作望

一道巴江自此來

遙和韓睦州元相公二君子

玉人紫綬相輝映却要霜鬚

一作髯

一兩莖其奈無成空

老去每臨明鏡若為情

吳興敬郎中見惠斑竹杖兼示一絕聊以謝之

一莖炯炯琅玕色數節重重玳瑁文
拄到高山未登處
青雲路上願逢君

奉和裴令公夜宴

天下蒼生望不休
東山雖有但時遊
從一作後來海上仙
桃樹肯逐人間風
露秋

秋夜安國觀聞笙

織女分明銀漢秋
桂枝梧葉共颼颼
月露滿庭人寂寂
霓裳一曲在高樓

酬僕射牛相公晉國池上別後至甘棠館忽夢
同遊因成口號見寄

已嗟池上別魂驚
忽報夢中攜手行
此夜獨歸還乞夢

老人無睡到天明

裴侍郎大尹雪中遺酒一壺兼示喜眼疾平一
絕有閒行把酒之句斐然仰酬

卷盡輕雲月更明金篦不用且閒行若傾家釀招來客
何必池塘春草生

和滑州李尚書上已憶江南禊事

白馬津頭春日遲沙州歸雁拂旌旗柳營唯有軍中戲
不似江南三月時

酬柳柳州家雞之贈

日日臨池弄小雛還思寫論付官奴
柳家新樣元和脚

且盡薑芽斂

一作劍

手徒

答前篇

小兒弄筆不能嗔
浣壁書窓且當

一作賞

勤聞彼夢熊猶

未兆女中誰是衛夫人

答後篇

昔日慵工記姓名
遠勞辛苦寫西京
近來漸有臨池興

為報元常欲抗行

重答柳柳州

弱冠同懷長者憂
臨歧回想盡悠悠
耦耕若便遺身老
黃髮相看萬事休

登清暉

一作樓

潯陽江色潮添滿
彭蠡秋聲雁送來
南望廬山千萬仞
共誇新出棟梁材

赴和州於武昌縣再遇毛仙翁十八兄因成一

絕

武昌山下蜀江東
重向仙舟見葛洪
又得案前親禮拜
大羅天訣玉函封

寄毘陵楊給事三首

揮毫起制來東省
躡足修名謁外臺
好著橐鞬莫惆悵
出文入武是金才

曾主魚書輕刺史
今朝自請左魚來
青雲直上無多地
却要斜飛取勢回

東城南陌昔同遊坐上無人第二流屈指如今已零落

且須歡喜

一作笑

作鄰州

陪崔大尚書及諸閣老宴杏園

更將何面上春臺百事無成老又催唯有落花無俗態
不嫌憔悴滿頭來

曹剛

大弦嘈囀小弦清噴雪含風意思生一聽曹剛彈薄媚
人生不合出京城

寄湖州韓中丞

老郎日日憂蒼鬢
遠守年年厭白蘋
終日相思不相見
長頻一作頭相見是何人

楊柳枝

揚子江頭烟景迷
隋家宮樹拂金堤
嵯峨猶有一作是當
時色半蘸波中水
鳥棲

田順郎歌

清歌不是世間音
玉殿嘗聞一作開
稱主心
唯有順郎全

學得一聲飛出九重深

夜聞商人船中箏

大舩高帆一百尺新聲促柱十三弦揚州市裏商人女
來占江西明月天

聞道士彈思歸引

仙公

一作翁

一奏思歸引逐客初聞自泣然莫怪殷勤悲

此曲越聲長苦已三年

喜康將軍見訪

謫居愁寂似幽棲
百草當門茅舍低
夜獵將軍忽相訪
鷓鴣驚起繞籬啼

贈劉景擢第

湘中才子是劉郎
望在長沙住桂陽
昨日鴻都新上第
五陵年少讓清光

赴連山途次德宗山陵寄張員外

常時並冕奉天顏
委佩低簪彩仗間
今日獨來張樂地
萬重雲水望橋山

嘗茶

生拍芳叢鷹觜芽
老郎封寄謫仙家
今宵更有湘江月
照出菲菲滿盃花

梁國祠

梁國三郎威德尊
女巫簫鼓走鄉村
萬家長見空山上
雨氣蒼茫生廟門

望洞庭

湖光秋月兩相和
潭面無風鏡未磨
遙望洞庭山水翠

一作山
翠色

白銀

一作雲

盤裏一青螺

楊柳枝

春江一曲柳千條
二十年前舊板橋
曾與美人橋上別
恨無消息到今朝

樓上

江上樓高二十梯
梯梯登徧與雲齊
人從別浦經年去
天向平蕪盡處低

洛濱病卧戶部李侍郎見惠藥物謹以文星之

句斐然仰謝

隱几支頤對落暉故人書信到柴扉周南留滯商山老
星象如今屬少微

故洛城古牆

粉落椒飛知幾春風吹雨洒旋成塵莫言一片危基在
猶過無窮來往人

句

湖上收宿雨故國思如此若為天外心

寄白公並見
張為主客圖

東屯滄海濶南讓洞庭寬

秋水詠見紀事

翠粒照晴露

見侯


錄鯖

銀花垂院膀翠羽撼條鈴

雪見天中記



御定全唐詩卷三百六十五



總校官庶吉士臣張能照

校對官庶吉士臣陳宗本

校對官中書臣張 埶

謄錄監生臣宣葆光

謄錄監生臣周嘉猷

欽定四庫全書薈要

集部

御定全唐詩卷三百

六十六至
七十一

欽定四庫全書薈要卷一萬七千七百七十一

集部

御定全唐詩卷三百六十六

張弘靖

張弘靖字元理蒲州人嘉貞之孫延賞之子以蔭為河
南參軍擢監察御史累遷戶部侍郎河中節度使元和
中拜刑部尚書同中書門下平章事封高平縣侯出為
太原節度使終太子少師詩一首

山亭懷古

叢石依古城懸泉灑清池高低袤丈內衡霍相蔽虧歸
田竟何因為郡豈所宜誰能辨人野寄適聊在斯

韓察

韓察官歷太原節度判官侍御史明州刺史詩一首

和張相公太原山亭懷古詩

公府政多暇思與仁智全為山想嵒穴引水聽潺湲軒
冕迹自逸塵俗無由牽蒼生方矚望詎得賦歸田

崔恭

崔恭官歷太原節度副使檢校右散騎常侍汾州刺史
詩一首

和張相公太原山亭懷古詩

高情樂閒放寄跡山水中朝霞鋪座右虛白貯清風潛
竇激飛泉石路躋且崇步武有勝槩不與俗情同

陸渥

陸渥登貞元元年進士第官給事中詩一首

和張相公太原山亭懷古詩

激水瀉飛瀑寄懷良在茲如何謝安石要結東山期入
座蘭蕙馥當軒松桂滋於焉悟幽道境寂心自怡

胡證

胡證字啟中河東人舉進士第累官金吾大將軍嶺南
節度使詩一首

和張相公太原亭懷古詩

飛泉天台狀峭石蓬萊姿潺湲與青翠咫尺當幽竒居
然盡精道得以書妍詞豈無他山勝懿此清軒墀

句

詩書入京國旌旆過鄉關

因話錄云證拜振武節度使道河中時趙宗儒為帥證備

桑梓禮入謁持刺稱百姓獻趙公詩云云州里榮之

張賈

張賈弘靖之從姪官至兵部尚書詩二首

和太原山亭懷古詩

中庭起崖谷漱玉下漣漪丹丘誰云遠寓象得心期豈
不貴鍾鼎至懷在希夷唯當蓬萊閣靈鳳復來儀

和裴司空答張秘書贈馬詩

閣下從容舊客卿寄來駿馬賞高情

司空詩云古寺閒行獨與君

任

追煙景騎仍醉知有文章倚便成步步自憐春日影蕭蕭猶起朔風聲須知上宰吹噓意送入天門上路行

句

夫子生知者相期妙理中

送劉禹錫發華州

張文規

張文規弘靖之子嘗為吳興守終桂管防禦觀察使詩

二首

吳興三絕

蘋洲須覺池沼俗
苧布直勝羅紈輕
清風樓下草初出
明月峽中茶始生
吳興三絕不可捨
勸子強為吳會行

湖州貢焙

一本此下有
看發二字

新茶

鳳輦尋春半醉回
仙娥進水御簾開
牡丹花笑金鈿動
傳奏吳興紫筍來

句

誰云隼旟吏長對虎頭岩

見吳興掌故

御定全唐詩卷三百六十六

欽定四庫全書薈要卷一萬七千七百七十二

集部

御定全唐詩卷三百六十七

張仲素

張仲素字繪之河間人憲宗時為翰林學士後終中書舍人詩一卷

緱山鶴

羽客驂仙鶴將飛駐碧山映松殘雪在度嶺片雲還清
唳因風遠高姿對水閒笙歌憶天上城郭歎人間幾變

霜毛潔方殊藻質斑迢迢煙路逸奮翮詎能攀

夜聞洛濱吹笙

王子千年後笙音五

一作午

夜聞逶迤繞清路斷續下仙

雲泄泄飄難定啾啾曲未分松風助幽律波月動輕文
鳳管聽何遠鸞聲若在羣暗空思羽蓋餘氣自氛氲

上元日聽太清宮步虛

仙客開金籙元辰會玉京靈歌賓紫府雅韻出層城磬
雜音徐徹風飄響更清紆餘空外盡斷續聽中生舞鶴

紛將集流雲住未行誰知九陌上塵俗仰遺聲

玉繩低建章

迢迢玉繩下芒彩正闌干稍復臨鳩鵲方疑近露寒微
明連粉堞的皪映仙盤橫接河流照低將夜色殘天榆
隨影沒宮樹與光攢遐想西垣客長吟欲罷難

寒雲輕重色

佳期當可許託思望雲端鱗影朝猶落繁陰暮自寒因
風方嫋嫋間石已漫漫隱映看鴻度霏微覺樹攢凝空

多似黛引素乍如紈每向愁中覽含毫欲狀難

聖明樂

一作朝

九陌祥烟合千春瑞月明宮花將苑柳先發鳳皇城

獻壽詞

玉帛殊方至歌鐘比屋聞華夷今

一作同

一貫同

一作賀

聖朝君

宮中樂五首

網戶交如綺紗窓薄似烟樂吹天上曲人是月中仙

翠匣開寒鏡，珠釵挂步搖。妝成祇畏曉，更漏促春宵。
一作

霄

紅果瑤池實，金盤露井冰。甘泉將避暑，臺殿曉
一作光

水

凝

月采浮鸞殿，砧聲隔
一作鳳樓。笙歌臨水檻，紅燭乍迎

繞

秋

奇樹留寒翠，神池結夕波。黃山一夜雪，渭水瀉
一作聲

雁

春遊曲三首

煙柳飛輕絮風榆落小錢濛濛百花裏羅綺競鞦韆

騁望登香閣爭高下砌臺林間踏青去席上寄牋

一作意錢

來

行樂三春節林花百和香當年重意氣先占鬪雞場

春閨思

裊裊城邊柳青青陌上桑提籠忘采葉昨夜夢漁陽

春江曲二首

家寄征河

一作江

岸征人幾歲遊不如潮水信每日到沙

頭

乘曉南湖去參差疊浪橫前洲在何處霜

一作霧

裏雁嚶

嚶

太平詞

聖德超千古皇威靜四方蒼生今息戰無事覺時良

一作長

隴上行

行到黃雲隴唯聞羌戍聲不如山下水猶得任東西

思君恩

紫禁香如霧青天月似霜
雲韶何處奏祇是在朝陽

王昭君

仙娥今下嫁驕子自同和
劒戟歸田盡牛羊繞塞多

秋夜曲

丁丁漏永夜何長漫漫輕雲露月光
秋逼暗蟲通夕響
征衣未寄莫飛霜

秋思贈遠

博山沉燎絕餘香
蘭燼金檠怨夜長
為問青青河畔草
幾回經雨復經霜

塞上曲

卷旆生風喜氣新
早持龍節靜邊塵
漢家天子圖麟閣
身是當今第一人

塞下曲五首

三戍漁陽再度遼
驛弓在臂劍橫腰
匈奴似若一作欲似知

名姓休傍陰山更射鵰

獵馬千行

一作羣

雁幾雙燕然山下碧油幢傳聲漠北單

于破火照旌旗夜受降

朔雪飄飄開雁門平沙歷亂卷

一作瘞

蓬根功名耻計

一作

記擒生數直斬樓蘭報國恩

隴水潺湲隴樹秋征

一作無

人到此淚雙流鄉關萬里無

因見西戍河源早晚休

一作收

陰磧茫茫塞草肥

一作腓

桔槔烽上暮雲

一作烟

飛交

一作關

河北望天連海蘇武曾將漢節歸

秋

一本有
閨字

思二首

碧窗斜日

一作月

藹深暉愁聽寒蟬淚濕衣夢裏分明見

關塞不知何路向金微

秋天一夜靜無雲斷續鴻聲到曉聞欲寄征衣問消息
居延城外又移軍

漢苑行二首

回雁高飛

一作風高
一作高翻

太液池新花低發上林枝年光到

處皆堪賞春色人間總不

一作未
知

春風淡蕩

一作澹澹

景悠悠鶯囀高枝燕入樓千步回廊聞

鳳吹珠簾處處上銀鈎

天馬辭二首

天馬初從渥水來郊歌曾唱得

一作歌曾唱得濯

龍媒不知玉

塞沙中路首偕殘花幾處開

躑躅

一作躑躅

宛駒齒未齊擬金噴玉向風嘶來時欲

一作行

盡金河道獵獵輕風在碧蹄

燕子樓詩三首

一作關盼盼詩

樓上殘燈伴曉霜
獨眠人起合歡床
相思一夜情多少
地角天涯不是長

北邙松柏鎖愁煙
燕子樓人思悄然
自埋劒履歌塵散
紅袖香消已十年

適看鴻雁岳陽回
又覩玄禽逼社來
瑤瑟玉簫無意緒
任從蛛網任從灰

御定全唐詩卷三百六十七

欽定四庫全書薈要卷一萬七千七百七十三

集部

御定全唐詩卷三百六十八

庾承宣

庾承宣貞元十年及第太和中終檢校吏部尚書天平
軍節度使詩一首

賦得冬日可愛

宿霧開天霽寒郊見初日林疎照逾遠冰輕影微出豈
假陽和氣暫忘玄冬律愁抱望自寬羈情就如失欣欣

事幾許瞳瞳狀非一傾心儻知期良願自茲畢

鄭澣

鄭澣餘慶之子貞元十年舉進士第為右補闕敢言無
所諱文宗時入翰林為侍講學士累進尚書左丞出為
山南西道節度使俄以戶部尚書召未拜卒謚曰宣集
三十卷今存詩五首

贈毛仙翁

至道無名至人長生爰觀繪事似挹真形方口渥丹濃

眉刷青松姿本秀鶴質自輕道德神仙內蘊心靈紅肌
絲髮外彰華精色如含芳貌若和光胚渾造化含吐陰
陽吾聞安期隱見不常或在世間或遊上蒼猗歟真人
得非後身寫此仙骨久而不磷皎皎明眸瞭然如新藹
藹童顏的然如春金石可並丹青不泯通天臺上有見
常人俗士觀瞻方悟幽塵君子圖之敬兮如神

和李德裕遊漢州房公湖二首

太尉留琴地時移重可尋
徽弦一掩抑風月助登臨
榮

駐青油騎高張白雪音祇言酬唱美良史記王箴
靜對煙波夕猶思棟宇清卧龍空有處馴鳥獨忘情顧
步襟期遠參差物象橫自宜雕樂石爽氣際青城

中書相公任兵部侍郎日後閣植四松逾數年
澣忝此官因獻拙什

丞相當時植幽襟對此開人知舟楫器天假棟梁材錯
落龍鱗出襜褕鶴翅迴重陰羅武庫細響靜山臺得地
公堂裏移根澗水隈吳臣夢寐遠秦嶽歲年推轉覺飛

纓繆何因繼組來幾尋珠履迹願比角弓培栢悅猶依
社星高久照台後凋應共操無復問良媒

和李德裕房公舊竹亭聞琴

石室寒飈驚孫枝雅器裁坐來山水操弦斷吊遺埃

句

但慮彩色污無虞臂胛肥

段成式記長安菩薩寺有畫維摩變為俗講僧文淑裝之

筆跡盡矣故興元
鄭尚書題句云云

張彙

一作彙征

張彙貞元十年進士詩三首

遊棲霞寺

躋險入幽林翠微含竹殿泉聲無休歇山色時隱見潮
來雜風雨梅落成霜霰一從方外遊頓覺塵心變

春風扇微和

木德生和氣微微入曙風暗催南向葉漸翦北歸鴻澹
蕩侵冰谷悠揚轉蕙蘂拂塵迴廣路泛籟過遙空暖上
煙光際雲移律候中扶搖如可借從此戾蒼穹

觀藏冰

寒氣方窮律陰精正結冰體堅風帶壯影素月臨凝冬
賦凌人掌春期命婦昇鑿來壺色徹納處鏡光澄魯史
曾留問幽詩舊見稱同觀里射享王道頌還興

陳通方

陳通方閩縣人貞元十年登第王播薦為江西院官詩
二首

賦得春風扇微和

習習和風扇悠悠淑氣微陽升知候改律應喜春歸池
柳晴初拆林鶯暖欲飛川原浮彩翠臺館動光輝泛艷
搖丹闕揚芳入粉闌發生當有分枯朽幸因依

金谷園懷古

緩步洛城下軫懷金谷園昔人隨水逝舊樹逐春繁冉
冉搖風弱菲菲裛露翻歌臺豈易見舞袖乍如存戲蝶
香中起流鶯暗處喧徒聞施錦帳此地擁行軒

句

應念路傍憔悴翼昔年喬木幸同遷

紀事云通方登第與王播同年播年

五十六通方甚少因期集撫播背曰王老奉贈一第言其日暮途遠及第同贈官也播恨之後通方丁家艱辛苦萬狀播為正郎判鹽鐵通方窮悴求之即不甚給時李虛中為副使通方以詩求為汲引云云播不得已薦為江西院官

李應

李應貞元十一年登進士第詩一首

立春日曉望三素雲

玄鳥初來日靈仙望裏分冰容朝上界玉輦擁朝雲碧

落流輕艷紅霓間綵文帶烟時縹緲向斗更氤氲髣髴
隨風馭迢遙出曉霧茲辰三見後希得從元君

陳師穆

陳師穆貞元十一年進士第詩一首

立春日曉望三素雲

晴曉初春日高心望素雲彩光浮玉輦紫氣隱元君縹
緲中天去逍遙上界分鸞驂攀不及仙吹遠難聞禮候
於斯覩明循在解紛人歸懸想處霞色自氛氲

李季何

李季何貞元十一年進士第詩一首

立春日曉望三素雲

靄靄青春曙飛仙駕五雲浮輪初縹緲承蓋下氤氲薄
影隨風度殊容向日分羽毛紛共遠環珮杳猶聞靜合
煙霞色遙將鸞鶴羣年年瞻此節應許從元君

李程

李程字表臣隴西人貞元十二年登進士第累辟使府

為監察御史充翰林學士元和中知制誥拜禮部侍郎
敬宗即位以吏部侍郎同平章事後罷為河東節度使
程在翰苑日過八磚乃至時號八磚學士詩五首

春臺晴望

曲臺送春日

一作日

景物麗新晴靄靄烟收翠忻忻木向

榮靜看遲日上閒愛野雲平風慢遊絲轉天開遠水明
登高塵慮息觀徼道心清更有遷喬意翩翩出谷鶯

玉壺冰

一作詠
冰壺

琢玉性惟堅成壺體更圓虛心含衆象應物受寒泉温

潤資天質清貞

一作真

稟自然日融光乍

一作自

散雪照

一作映

色逾鮮至鑒功寧幸無私照豈偏明將水鏡對白與粉
闡連拂拭終為美提攜佇見傳勿令毫髮累遺恨鮑公

一作綴成篇

賦得竹箭有筠

常愛凌寒竹堅貞可喻人能將先進禮義與後凋鄰冉
冉猶全節青青尚有筠陶鈞二儀內柯葉四時春待鳳

花仍吐停霜色更新方持不易操對此欲觀身

觀慶雲圖

五雲從表瑞藻繪宛成圖柯葉何時改丹青此不渝非
煙色尚麗似蓋狀應殊渥彩看猶在輕陰望已無方將
遇翠幄那羨起蒼梧欲識從龍處今逢聖合符

贈毛仙翁

茫茫塵累愧腥膻強把蜉蝣望列仙閒指紫霄峰下路
却歸白鹿洞中天吹簫鳳去一作丹鳳經何代茹玉方傳一作

麟黃得幾年他日更來人世看又應東海變桑田

高一作喬弁

高弁貞元十二年進士第詩一首

省試春臺晴望

層臺聊一望遍賞帝城春風煖聞啼鳥冰開見躍鱗晴
山煙外翠香藥日邊新已變青門柳初銷紫陌塵金湯
千里國車騎萬方人此處雲霄近憑高願致身

席夔

席夔貞元十二年宏詞及第詩二首

霜菊

時令忽已變行看被霜菊可憐後時秀當此凜風肅淅
瀝翠枝翻淒清金蘂馥凝姿節堪重澄艷景非淑寧祛
青女威願盈君子掬持來泛罇酒永以照幽獨

賦得竹箭有筠

共愛東南美青青歎有筠貞姿衆木異秀色四時均枝
葉當無改風霜豈憚頻虛心如待物勁節自留春鮮潤

期棲鳳嬋娟可並人可憐初籜卷粉澤更宜新

李行敏

李行敏貞元十二年宏詞登第詩一首

省試觀慶雲圖

縑素傳休祉丹青狀慶雲非煙凝漠漠似蓋乍紛紛尚
駐從龍意全舒捧日文光因五色起影向九霄分裂素
觀嘉瑞披圖賀聖君寧同窺汗漫方此覩氛氲

陳諷

陳諷貞元十年擢進士第詩一首

賦得冬日可愛

一作張
正元詩

寒日臨清晝寥天一望時未消埋逕雪先暖讀書帷
屬思光難駐舒情影若遺晉臣曾比德謝客昔言詩
散彩寧偏照流陰信不追餘輝如可就迴燭幸無私

崔護

崔護字殷功博陵人貞元十二年登第終嶺南節度使詩六首

郡齋三月下旬作

以下三首一
作張又新詩

春事日已歇池塘曠幽尋殘紅披獨墜嫩綠間淺深偃
仰捲芳褥顧步愛新陰謀春未及竟夏初遽見侵

五月水邊柳

結根挺涯涘垂影覆清淺睡臉寒未開嬾腰晴更軟搖
空條已重拂水帶方展似醉煙景凝如愁月露泣絲長
魚悞恐枝弱禽驚踐長別幾多情含春任攀牽

三月五日陪裴大夫泛長沙東湖

上巳餘風景芳辰集遠坰綵舟浮泛蕩繡轂下娉婷林

樹迴蔥蒨笙歌入杳冥湖光迷翡翠草色醉蜻蜓鳥弄
桐花日魚翻穀雨萍從今留勝會誰看畫蘭亭

山雞舞石鏡

廬峯開石鏡人說舞山雞物象纖無隱禽情祇自迷景
當烟霧歇心喜錦翎齊宛轉烏呈彩婆娑鳳欲栖何言
資羽族在地得天倪應笑翰音者終朝飲敗醯

題都城南莊

去年今日此門中人面桃花相映紅人面不知

一作
祇今何

處在桃花依舊笑春風

太平廣記云初護舉進士不第清明獨遊都城南得村居花木

叢萃叩門久有女子自門隙問之對曰尋春獨行酒渴求飲女子啟關以盃水至獨倚小桃柯竚立而意屬殊厚崔辭起送至門如不勝情而入後絕不復至及來歲清明徑往尋之戶扃無人因題此詩于左扉後數日復往尋之有老父出曰吾女笄年知書未適人自去年已來常恍惚若有所失比日與之出及歸見左扉有字讀之入門而病遂絕食數日死得非君耶殺吾女持崔大哭崔感慟請入臨見其女儼然在牀舉其首枕其股哭而祝曰某在斯須臾開目復活老父大喜遂以女歸之

晚雞

黯黯嚴城罷鼓聲
數聲相續出寒棲
不嫌驚破紗窗夢

却恐為奴半夜啼

御定全唐詩卷三百六十八